



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab anno Christi 1561. usque ad annum 1562

**Fleury, Claude**

**August. Vind. [u.a.], 1771**

**VD18 90118596**

§. 72. Ducis Sabaudiæ copiæ a Valdensibus profligatæ.

---

[urn:nbn:de:hbz:466:1-66624](https://nbn-resolving.de/urn:nbn:de:hbz:466:1-66624)

**Sæcul. XVI.** resumpsisse viderentur, Comes, ut clavis injuriam ulcisceretur, rursus tria ex parte impetum in urbem fecit, quippe cum quadam suorum cohorte per Rosatensem agrum, cum altera vero per planitem, & demum per Taliaretum cum tertia sibi aditum in urbem parabat. Harum duæ priores ita suum instituebant iter, ut in planicie inter Villarium, & Bobiacum interjecta, ubi copiosus jamjam advenerat equitatus, se conjungerent, cum vero illinc in Cambani montis juga eniterentur, qua parte nullæ ferme erant custodiæ, nihil inde territi incolæ statim e munitionibus suis erumpunt, hostesque semel atque iterum strenue repellunt, quamvis Trinitensis Comes quingentos subfido submisisset: restituto autem certamine Valdenses tandem retrocedere, suasque munitiones deferere coacti sunt.

§. LXXII.

*Ducis Sabaudiæ copiæ a Valdensibus profligatae.*

**Thuan. l. c.** Prospero hoc successu Comitis milites victiarum cursum strenue prosequabantur: attamen ipso eventu tunc comprobatum fuit, quod quandoque devictis, atque ad extrema redactis animus, virtusque redire soleat; quippe Valdenses desperationis stimulo agitati

Sæcul.XVI.  
A.C.1561.

tati pugnam redintegrant, tam felici successu, ut invasores suos repellerent: unde Comes, cum ad nominis sui existimationem pertinere arbitraretur, ne Bellidux toties in aliis præliis viator, nunc a rusticis devictus diceretur, præcipue cum numero superior esset, hostes suos omni ex parte aggredi, ac debellare statuit: igitur die decima septima Maij bipartito agmine suo in Angroniam vallem descendit a suis incolis defertam, indeque Torni - pratum accedit, illudque ab Oriente aggreditur: verum Valdenses redintegratis animis unaomnes fortius, quam unquam, denuo pugnam inchoant, tandemque post pertinax utrinque certamen hostem retrocedere compellunt, nonnisi duobus suorum amissis, ex Trinitensibus vero cæsis quam plurimis. Ceterum Valdenses, quod nonnisi defendendi caussa bellum susceperint, tam studiose credi gestiebant, ut nequidem ad continuandum victoriae cursum e suis vallibus egrederentur. Porro Trinitensis Comes finistrum belli eventum indignatus palam profitebatur, nunquam se militem magis ignavum esse expertum, quam postremis istis cum rustica multitudine congressibus: denique cum hosce rebelles coercere desperaret, illorum animos explo-

Sæcul. XVI. explorari jussit, an non ad pacem in.  
A. C. 1561. clinarent.

## §. LXXIII.

*Bellum redintegratum, & tandem  
de pace actum.*

*Thuan. t. c.*

Cum interea de pace ageretur, Sabaudiæ Ducis exercitus pecuniis a Papa submissis restauratus denuo valles aggredi jubetur, expugnatoque Tailereto Trinitensis Comes Viros, ac mulieres unacum infantibus in cubiculis deprehensos ad internectionem delevit: cum vero post acre certamen ejus copiæ fuissent repulsæ, tantus pavor militem incesserat, ut Comes eadem adhuc die Cavortium recederet: quapropter in Principis Senatu decretum, ut Valdensium segetes, arbores, & vinenta devastarentur, duæque arces in Angroniana valle construerentur. Hanc in rem Briguerates equitatum suum emisit, moxque ad Sancti Joannis oppidum contendit, cum vero hæc jussa exequi pararet, deferuntur literæ, quibus Princeps sua revocabat mandata, ad id permotus libello supplici, quem Valdenses Sabaudiæ Ducissæ, quæ illorum caußæ favebat, per Ranconium Comitem porrexerunt, atque arma deponere promiserunt, dummodo haud ultra bello laceßerentur.

## §. LXXIV.